



Broj: T18 0 KT 0017314 25
Brčko, 05.09.2025. godine

Optužnica potvrđena dana 10.09.2025. godine

Na osnovu člana 35 stav (2) tačka z) i člana 226 stav (1) Zakona o krivičnom postupku Brčko distrikta BiH, podižem:

O P T U Ž N I C U

Protiv:

S. N., zvaní „Ć...“, rođen 1998. godine u Maoči,

Što je:

Dana 24.10.2023. godine, oko 00.00 časova, u ulici ..., Brčko distrikt BiH, nakon što je prethodno opazio da H. F., zaposlen u obližnjoj pekari „Izbor“, kod sebe posjeduje novac, prateći ga u njegovom kretanju iz pekare putem ka njegovoj kući, istog je u blizini poliklinike „Akšamić“ sustigao, te s ciljem pribavljanja protivpravne imovinske koristi, svjestan da upotrebom opasnog oruđa prema H. F. vrši ozbiljnu prijetnju na njegov život i tijelo i da na taj način od njega oduzima predmete, što je i htio, metalnom šipkom udario H. u predjelu glave, koji je tom prilikom nakratko izgubio svijest i pao na tlo, nakon čega je iz H. prednjeg džepa pantalona oduzeo pazar pekare u iznosu od oko 2.000,00 KM i njegov mobilni telefon marke „Poco“ C40, crne boje, vrijednosti 179,00 KM, čime je za sebe pribavio protivpravnu imovinsku korist u navedenim iznosima, a za isti iznos oštetio vlasnika pekare „Izbor“ i H. F.,

dakle, prijetnjom da će direktno napasti na njegov život ili tijelo oduzeo tuđe pokretne s ciljem da njihovim prisvajanjem pribavi sebi protivpravnu imovinsku korist, pri čemu je upotrijebljeno opasno oruđe,

čime je učinio krivično djelo Razbojništvo iz člana 283 stav (2) u vezi sa stavom (1) Krivičnog zakona Brčko distrikta BiH.

[...]

****Ovom objavom ne prejudicira se ishod krivičnog postupka i ne narušava princip presumpcije nevinosti. Svako se smatra nevinim dok se pravosnažnom presudom ne utvrdi njegova krivica.****
